

TEMA 3

Kecerdasan Meningkat, Keterampilan Memikat

Sistem Bahasa (Kertas 1)

Bahagian A

Lengkapkan ayat-ayat yang berikut dengan memilih jawapan yang paling sesuai. **ARAS 1**

- 1 Anak-anak yang dibentuk dengan sahsiah terpuji daripada ibu bapa pasti akan menunjukkan jati diri yang _____ pada masa depan.
A unik
B ceria
C unggul
D anggun
- 2 Kejohanan Sukan SEA yang dilangsungkan di Filipina telah berjalan _____ dengan Malaysia mencapai 47 pingat emas secara keseluruhannya.
A baik
B hebat
C lancar
D selamat
- 3 Larian Ria yang dianjurkan oleh Jabatan Pertanian Bandar Baharu, Kedah telah menawarkan hadiah yang _____ kepada para pemenang.
A sedikit
B penuh
C berbaloi
D lumayan
- 4 Suara Siti Amirah yang _____ membolehkan dia dipilih sebagai pemberi arahan kepada pasukan kawad itu.
A kuat
B serak
C merdu
D perlahan
- 5 Sikap jurulatih Azmir yang _____ ketika latihan telah membuahkan hasil apabila pasukan bola sepaknya memenangi perlawanan tersebut.
A tegas
B keras
C garau
D lembut
- 6 Jasa tokoh sukan seperti Datuk Misbun Sidek dan Datuk Rajamani a/p Mailvaganam akan sentiasa _____ dalam ingatan para peminat sukan tanah air.
A mekar
B kuncup
C semarak
D semerbak

Bahagian B

Dalam setiap ayat di bawah ini, terdapat **satu kesalahan bahasa**. Kenal pasti kesalahan tersebut dan tulis jawapan yang betul pada ruang jawapan yang disediakan. Anda tidak perlu menyalin ayat itu semula. **ARAS 1**

- 1 Kuda yang ditunggang oleh Hairi itu sungguh deras berlari mengelilingi padang.

- 2 Setelah tiga tahun tinggal di England, Safik sudah tahu bermain bola sepak dengan teknik yang betul.

- 3 Atlet Sukan SEA itu berlatih bagaikan jentera yang tidak mengenal lelah sejak enam bulan yang lalu.
